



REPUBLIKA E KOSOVËS
REPUBLIKA KOSOVA - REPUBLIC OF KOSOVA
KOMUNA JUNIK
OPŠTINA JUNIK – MUNICIPALITY OF JUNIK



REFERENC-Ë:	Numër: 02-02/23
PËR/ZA/TO:	Anëtarët e Kuvendit Komunal Junik
NGA/OD/FROM	Shpejtim Gacaferi - Kryesues i Kuvendit Komunal Junik
DATË/A	28.02.2023
TEMA/SUBJEKAT/SUBJECT	Procesverbal

Në bazë të nenit 49 të Ligjit për Vetëqeverisje Lokale (Ligji Nr. 03/L-040, GZRK numër 28/2008), nenit 32 paragrafi 1 të Statutit të Komunës së Junikut, dhe nenit 18 paragrafi 1 i Rregullores së punës së Kuvendit të Komunës së Junikut, KK - Junik mbanë këtë:

PROCESVERBAL:

Me rastin e mbajtjes së mbledhjes së dytë (2) të Kuvendit të Komunës së Junikut, me datë: 28.02.2023, duke filluar në ora 10:00. Mbledhjen e hapi dhe e udhëhoqi Kryesuesi i Kuvendit Komunal të Junikut: z. Shpejtim Gacaferi: i cili në fillim përshëndeti, Kryetarin e komunës së Junikut z.Ruzhdi Shehu, nënkryetarin e Komunës së Junikut z. Besart Tofaj, drejtorët e drejtorive komunale, anëtarët të Kuvendit Komunal, zyrtarët Komunal dhe gjithë të pranishmit me pas konstatoi se mbledhje marim pjesë të 15 antarëve të kuvendit. Në mbledhje nga drejtoret prezent ishin: znj.Leunora Shehu-AD, znj.Vjollca Qestaj-DBF, znj.Gentiana Tofaj-DZHE, z.Xhavit Velijaj DAKRS, z.Fatos Shala-DSHMS dhe z.Demokrat Ganijaj-DSHPMSI

Anëtarët prezent

1. Shpejtim Gacaferi - Kryesues, LDK
2. Sadri Krasniqi – Anëtar, LDK
3. Alfred Gaxherri - Anëtar, LDK
4. Mursel Salihaj-Anëtar,LDK
5. Ermelinda Lllolluni - Anëtare, LDK
6. Lirjeta Shehu - Anëtare, LDK
7. Leonard Lllolluni - Anëtar, AAK
8. Zenel Maloku - Anëtar, AAK
9. Dervish Bajraktari - Anëtar, AAK
10. Rajmonda Krasniqi - Anëtare, AAK
11. Erleta Qestaj - Anëtare, AAK
12. Festina Maloku - Anëtare, AAK
13. **Lulzim Gacaferi- Anëtar, LVV (Mungon)**
14. Eliza Pepshi-Anëtare,LVV
15. Xhemë Tofaj-Anëtar LVV

Rendi i ditës i paraparë

1. Shqyrtimi dhe miratimi i procesverbalit nga mbledhja e kaluar,
2. Informatë e Kryetarit të Komunës mbi Planin e Ekzekutivit për vitin 2023,
3. Shqyrtimi i Raportit të Punës së Kryetarit të Komunës për vitin 2022,
4. Shqyrtimi i draft-planit të Veprimit për Transparencë 2023-2026,
5. Informatë rreth suksesit të nxënësve të Sjkollës Filllore të Mesme të Ulet “Edmond Hoxha” dhe Shkollës së Mesme “Kuvendi i Junikut”, dhe rreth përgatitjeve për fillimin e gjysëmvjetorit të dytë,
6. Shqyrtimi dhe miratimi i kërkesës së Drejtorisë për Shërbime Publike, Inspektim, Mbrojtje dhe Shpëtim /MSHPIMSH/ për formimin e komisionit për hartimin e Draft-Rregullores për Menaxhimin e Mbeturinave në Komunën e Junikut,
7. Shqyrtimi i Raportit të Punës të Komitetit për Komunitete për vitin 2022,
8. Shqyrtimi i Planit të Punës dhe orarit të mbajtjes të Mbledhjeve të Komitetit për Komunitete për vitin 2023, dhe
9. Të ndryshme.

z.Shpejtim Gacaferi, para se ta votojmë rendin e ditës, kam një kërkesë nga kryetari i Komunës që pikat 2,3 dhe 4 të zhvendosen për shqyrtim me vonë pasi që kryetari ka një takim. Fillojmë pikën:

1. Shqyrtimi dhe miratimi i procesverbalit nga mbledhja e kaluar,
2. Informatë rreth suksesit të nxënësve të Shkollës Filllore të Mesme të Ulet “Edmond Hoxha” dhe Shkollës së Mesme “Kuvendi i Junikut”, dhe rreth përgatitjeve për fillimin e gjysëmvjetorit të dytë,
3. Shqyrtimi dhe miratimi i kërkesës së Drejtorisë për Shërbime Publike, Inspektim, Mbrojtje dhe Shpëtim, /MSHPIMSH/ për formimin e komisionit për hartimin e Draft-Rregullores për Menaxhimin e Mbeturinave në Komunën e Junikut,
4. Shqyrtimi i Raportit të Punës të Komitetit për Komunitete për vitin 2022,
5. Shqyrtimi i Planit të Punës dhe orarit të mbajtjes të Mbledhjeve të Komitetit për Komunitete për vitin 2023,
6. Informatë e Kryetarit të Komunës mbi Planin e Ekzekutivit për vitin 2023,
7. Shqyrtimi i Raportit të Punës së Kryetarit të Komunës për vitin 2022,
8. Shqyrtimi i draft-planit të Veprimit për Transparencë 2023-2026,
9. Të ndryshme.

z.Shpejtim Gacaferi, e qes ne votim rendi e ditës kush është për? për 14 vota, kundër 0 vota dhe abstenim 0 vota, konstatoi se rendi i ditës u miratua, kalojmë në pikën e parë të rendit të ditës.

1. Shqyrtimi dhe miratimi i procesverbalit nga mbledhja e kaluar,

z.Shpejtim Gacaferi, kërkesa nuk ka, e qes ne votim procesverbalin e mbledhjes se kaluar, kush është për? për 14 vota, kundër 0 vota dhe abstenim 0 vota, konstatoi se procesverbali i mbledhjes janar 2023 u miratua.

2. Informatë rreth suksesit të nxënësve të Shkollës Filllore të Mesme të Ulet “Edmond Hoxha” dhe Shkollës së Mesme “Kuvendi i Junikut”, dhe rreth përgatitjeve për fillimin e gjysëmvetorit të dytë,

Informatën e beri z.Xhavit Velijaj, Drejtor i DAKRS, i cili fillimisht i përshëndeti te gjithë e me pas i informojë anëtarët e kuvendit rreth suksesit ne te dy shkollat e komunës se Junikut.

z.Zenel Maloku, përshëndetje për te gjithë, me aq sa e përcjella drejtorin, për rënie te suksesit te shkolla e mesme, ne 2.62 dhe mendimi im është nëse mesatarja e suksesit nuk arrihet bile notën 3 atëherë nuk është ka punohet aq sa duhet, nëse themi se kushtet janë te dobëta mendoj se kjo nuk qëndron sepse vitin e kaluar nuk ka pasur nxemje ndërsa ketë vite ka nxemje, koha e pandemisë ka kaluar, edhe pse me sukses më mirë ishin ne kohen e pandemisë se sa tani, andaj unë ju pyes drejtor se ku qëndron çështja, ku ja ka dhanë “kosa gurit”?

z.Xhavit Velijaj, sa i përket suksesit me aq sa kam mundur ti përcjelli me herët notën mesatare me e ulët është në gjimnaz, e ketë çështje e kam pas ngritur edhe unë sa isha këshilltar i këtij kuvendit, dhe kam vërejtur se problemi është se ne gjysëmvetorit e parë kemi ketë notë mesatare ndërsa ne gjysmë vjetorin e dytë kjo notë po ngritët.

z.Shpejtim Gacaferi, kërkesë tjetër nuk ka, kalojmë ne pikën e radhës.

3. Shqyrtimi dhe miratimi i kërkesës së Drejtorisë për Shërbime Publike, Inspektim, Mbrojtje dhe Shpëtim /MSHPIMSH/ për formimin e komisionit për hartimin e Draft-Rregullores për Menaxhimin e Mbeturinave në Komunën e Junikut,

z.Shpejtim Gacaferi, kërkesa ka te beje me formimin e komisionit, qe përbëhet prej 11 anëtarëve, 8 janë nga ekzekutivi dhe 3 janë nga kuvendit kështu qe po fillojmë me propozime.

LDK propozon z.Mursel Salihaj

AAK propozon znj.Erleta Qestaj

LVV propozon z.Xhemë Tofaj

z.Shpejtim Gacaferi, faleminderit për propozimet, po i lexoj te gjithë anëtarët e propozuar, z.Demokrat Ganijaj-Kryesues, z.Rrustem Pepshi –anëtar, z.Arian Xhuli-anëtar, z.Turim Ganijaj-anëtar, z.Ali Gacaferi-anëtar, znj.Vjollca Qestaj-anëtare, z.Idriz Gacaferi-anëtar, znj.Valbona Gaxherri-Gacaferi-anëtare, z.Mursel Salihaj-antar LDK, znj.Erleta Qestaj-anëtare AAK dhe z.Xhemë Tofaj-anëtar LVV, e qes ne votim.

z.Leonard Llojuni, përshëndetje për te gjithë, kryesues ne këtë rast ti nuk ke drejtë të votosh, sepse paraqet konflikt interesi pasi qe ke ne këtë propozim bashkëshorten znj. Valbona Gaxherri-Gacaferi.

z.Shpejtim Gacferi, po unë tërhiqem nga votimi, kush është për? për 13 vota, kundër 0 vota dhe abstenim 0 vota, konstatoi se ky komision u miratua.

4. Shqyrtimi i Raportit të Punës të Komitetit për Komunitete për vitin 2022,

z.Zenel Maloku, unë si anëtar i këtij komiteti beje kërkesë qe kërkesat qe dalin nga ky komitet te merren për bazë dhe me seriozitet nga ana e ekzekutivit.

z.Shpejtim Gacaferi, kërkesë tjetër nuk ka, kalojmë ne pikën tjetër me radhë.

5. Shqyrtimi i Planit të Punës dhe orarit të mbajtjes të Mbledhjeve të Komitetit për Komunitete për vitin 2023,

z.Shpejtim Gacaferi, kërkesë nuk ka, kalojmë ne pikën tjetër me radhë.

6. Informatë e Kryetarit të Komunës mbi Planin e Ekzekutivit për vitin 2023,

Informatën e sqaroi dhe e arsyetoi z.Ruzhdi Shehu kryetar i Komunës se Junikut, i cili fillimisht i përshëndeti te gjithë me pas e sqaroi dhe e arsyetoi para anëtarëve te kuvendit plani e ekzekutivit për vitin 2023.

z.Zenel Maloku, desha te dije për rrugën “Gjocaj” a keni ndarë mjete për këtë vit, dhe kam një kërkesë qe te ndërtohet një kanalizim i ujitjes sepse fusha e fshatit Jasiq nuk ka ujitje pa atë kanal.

z.Ruzhdi Shehu, ne nuk e kemi ne plane qe këtij viti këtë kanal te ujitjes, por do te shikojmë mundësitë tjera qe ta ndërtojmë këtë kanal te ujitjes, te shikojmë gjatësinë dhe te bëjmë një projekt, dhe do te shikojmë brenda mundësive te ndërtojmë edhe këtë kanal te ujitjes.

z.Shpejtim Gacaferi, kërkesë tjetër nuk ka, kalojmë ne pikën tjetër me radhë.

7. Shqyrtimi i Raportit të Punës së Kryetarit të Komunës për vitin 2022,

Raportin e punës se kryetarit para anëtarëve te Kuvendit e prezantoi z.Ruzhdi Shehu Kryetar i Komunës se Junikut.

z.Shpejtim Gacaferi, kërkesë tjetër nuk ka, kalojmë ne pikën tjetër me radhë.

8. Shqyrtimi i draft-planit të Veprimit për Transparencë 2023-2026,

z.Ruzhdi Shehu, draft Planin e veprimit e keni dhe ne cilësinë e koordinatorit për transparencë fjalën ja kaloj z.Rrustem Pepshi qe ta sqaroj dhe ta arsyetoje me tutje këtë draft-plan te veprimit.

Sqarimin dhe arsyetimin e draft-planit të veprimit të transparencës 2023-2026 e beri koordinatori për transparencë z.Rrustem Pepshi i cili fillimisht i përshëndeti të gjithë, me pas e sqaroj dhe e arsyetoi para anëtarëve të kuvendit, draft planin e veprimit 2023-2026.

z.Shpejtim Gacaferi, kërkesë nuk ka, kalojmë në pikën e fundit të rendit të ditës.

9. Të ndryshme.

z.Leonard Lolluni, me qene se është edhe kryetari i komunës prezent unë kam një lutje që ka të bëjë me shtëpinë e bjeshkatarëve, në lokacionin livadhi i madh, ai objekt çdo ditë është ka dëmtohet dhe kemi një vite që nuk është ndërmarr asgjë lidhur me të, dhe mua me intereson se cili është plani i kryetarit që ta mirëmbajë atë projekt, çfarë statuti do ti ipet pasi që si komunë turizmin e kemi prioritet, mua me shqetëson fakti që ai objekt ka mbetur ashtu dhe se mendoj se e pakta që është mundur të bëhet nga kryetari është që ai objekt ti ipet ndonjëherë prej shoqatave të bjeshkatarëve.

z.Ruzhdi Shehu, po është e vërtetë kjo, ne jemi duke punuar në atë drejtim, jemi në bisedime me agjencionin e pyjeve që të mos kemi pengesa lidhur me pronën, është shqetësim me vend, kemi dy here e kemi shikuar dhe kërkohet që të ndërhyhet për rrethë objekti, por duhet të nisen biseda me agjencionin e pyjeve që të na ipet në shfrytëzim.

z.Zenel Maloku, kam një pyetje për kryetarin, u tha se Kryetari ka qenë në Pejë të parku nacional, dhe në atë takim kam parë kryetar të komunave që kanë marrë edhe qytetar me veti, kryetari ynë me sa di ka qenë vetëm në atë takim kjo nuk ka rëndësi, por çka është me rëndësi është që të dimë a ka mundur të bëjnë marrëveshje me parkun nacional për pronat private që janë në këtë park apo vetëm e keni humbur atë ditë kot, unë kam bërë kërkesë që pronat tona të hiqen nga parku nacional, e di se është e vështirë por dua të informohem në pika të shkurta se a keni mundur të bëni diçka.

z.Ruzhdi Shehu, mbledhja ka qenë e hapur për publik, dhe kush ka dashur ka mundur të marrë pjesë, unë kam marrë pjesë në atë mbledhje ku kanë qenë edhe kryetaret tjerë të komunave që kanë pjesë në parkun nacional, dhe të them të drejtën të gjithë e kanë të njëjtin problem dhe në këtë drejtim kemi patur të njëjtin qëndrim, ne kemi thënë që të hiqet vija e parkut nacional në nivel me të lartë sepse jemi të dëmtuar, mire por ligji mbi parkun është i veçantë dhe është në fazën e hartimit, ne i kemi dhënë komentet tona dhe kemi lanë prap takim me hartuesit e këtij ligji të gjithë në komuna e regjionit të Dukagjinit.

z.Zenel Maloku, me rregull sot unë nuk mundem të ndërtoj në pronën time një shtëpi pa lejen e Parkut, nuk mundem të bëjë krasitjen e seqeve dhe largimin e tyre pa lejen e parkut, atëherë shtrohet pyetja kush dhe lejen “bagerit” që të bëjë zgjerimin e rrugës të prona ime edhe atë pa me pyetur as mua, atëherë përderisa ka të drejtë parku për mos me lenë të ndërtohet, edhe unë kam të drejtë që në pjesën time që e kam me flete poseduese të mos lejoj të ndërtohet rruga.

z.Ruzhdi Shehu, ndërtimi i rrugës ka një leje që ka marrë në vitin 2011, ka pëlqim nga të gjithë kemi procesverbalet, dhe ne e kemi ngritur këtë çështje që fshatrave “Gjocaj dhe Jasiq” të ju lejohet ndërtimi në pronat e tyre.

z.Shpejtim Gacaferi, kërkesë tjetër nuk ka, e shpalli te mbyllur mbledhjen e shkurtit.

Procesmbajtësi:

z. Esat Hoxha

Kryesuesi i Kuvendit:

z. Shpejtim Gacaferi
